

Kata-kata Sakti Pilihan Daripada al-Qur'ān, al-Hadīth dan Hukama'

(Dikumpul, diterjemah dan disusun oleh: Abdul Aziz al-Murshidi)

Al-Qur'ān

Bertakwalah kamu kepada Allah dengan sebenar-benar takwa dan janganlah hendaknya kamu mati melainkan kamu dari golongan orang-orang Muslimin.

(al-Baqarah¹ : 102)

* * *

Sesungguhnya sembahyang itu mencegah manusia dari melakukan perbuatan-perbuatan yang jahat dan mungkar.

(al-'Ankabūt : 45).

* * *

Jika kamu telah selesai sembahyang, maka ingatlah selalu akan Allah waktu berdiri, waktu duduk dan waktu berbaring.

(al-Nisā' : 102²)

* * *

Wahai orang-orang yang beriman! Apabila kamu diseru (dipanggil) sembahyang pada hari Jumaat, maka hendaklah kamu bersegera kepada zikir (mengingati) Allah (sembahyang Jumaat), dan tinggalkanlah berjual-beli (perniagaan). Itulah yang terlebih baik bagi kamu, jika kamu mengetahui.

(al-Jumu'ah : 9)

* * *

Maka apabila telah selesai mengerjakan sembahyang, hendaklah kamu bertebar di muka bumi, carilah kurnia (rezeki) Allah dan ingatlah akan Allah sebanyak-banyaknya, semoga kamu mendapat kemenangan.

(al-Jumu'ah : 10).

Al-Hadīth

Sembahyang itu tiang agama. Barang siapa yang mendirikan sembahyang, maka sesungguhnya ia telah mendirikan agama, dan barang siapa yang meruntuhkan, (meninggalkannya), maka sesungguhnya ia telah meruntuhkan agama.

(al-Bayhaqī).

* * *

Sesungguhnya aku telah meninggalkan kepada kamu sesuatu yang jika kamu berpegang teguh dengannya, tidaklah kamu akan sesat selama-lamanya, iaitu: Kitab Allah dan Sunnah (Hadith) Nabinya.

(al-Bukhārī).

* * *

Doa yang akan dikabulkan Tuhan dengan tidak syak lagi hanya dari tiga orang: Doa ibu bapa untuk anak-anaknya, doa orang musafir (pengembara) dan doa orang-orang yang tertindas (terzalim).

(al-Tirmidhī).

* * *

Barang siapa menolong seorang yang sakit kuat, menyerulah malaikat dari langit: "Pertolonganmu itu adalah diberkati Allah, dan telah disediakan tempatmu di syurga."

(Ibn Majah)

Keterangan Gambar Kulit:

Pemandangan menara dan kubah hijau Masjid al-Munawwarah, di bawah kubah hijau itulah terletaknya makam Rasulullah (S.A.W) dan dua sahabatnya Saiyidina Abu Bakr dan Saiyidina Umar (*radīya Allahu 'anhuma*)

Hukama'

Seorang satria yang sebenarnya ada mempunyai tiga sifat: 1. Suka berbakti (menolong orang) tanpa meminta sebarang balasan. 2. Suka memuji yang hak tanpa mengharap sesuatu dari orang yang dipuji. 3. Suka memberi tanpa diminta.

(Abu Mahfuz Fayruz)

* * *

Apabila manusia hanya mengharapkan kurniaan (pertolongan) dari Tuhan, sedang mereka tidak mengendahkan segala perintah-Nya, maka huru-hara akan timbul di dunia ini.

(Abdul Rahman Utbah)

* * *

Erti tawakkal yang sebenarnya ialah menyerah diri dengan penuh keyakinan terhadap Allah.

(Abu Muhammad bin Hanbal)

* * *

Jalan yang menuju kepada kebaikan sangat terang terbentang di hadapan mata, jalan yang menuju kepada kebenaran juga terang. Para '*anbiyā'*' dan ulama seringkali mengajak manusia berjalan di atas jalan yang sebenar, namun begitu hanya manusia yang telah dibutakan mata hatinya yang tidak mahu menerima kebenaran.

(Abu Hamid Ahmad Khadrawiyah).

¹ Perkataan sebenarnya adalah Āli 'Imrān.

² Ayat sebenarnya adalah ayat 103.